

**Razvojna banka Federacije
Bosne i Hercegovine
Predsjednik Uprave**

Broj: 5620-III/20
Sarajevo, 08.6.2020. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 5602-XI/20 od 05.6.2020. godine i člana 20. Statuta Razvojne banke Federacije Bosne i Hercegovine, u postupku javne nabavke robe-kancelarijskog materijala za potrebe Razvojne banke Federacije BiH, v.d. predsjednik Uprave Razvojne banke Federacije BiH donosi

ODLUKU

o izboru najpovoljnijeg ponuđača u postupku javne nabavke kancelarijskog materijala za potrebe Razvojne banke Federacije BiH

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 5602-XI/20 od 05.6.2020. godine i okvirni sporazum za nabavku robe-kancelarijskog materijala za potrebe Razvojne banke Federacije BiH dodjeljuje se ponuđaču R&S d.o.o. Sarajevo, Igmanska b.b., Sarajevo, Vogošća, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena robe iz člana 1. ove odluke, iznosi 22.265,00 KM bez PDV-a, što u konačnici, s uračunatim PDV-om, iznosi 26.050,05 KM.

Član 3.

Po okončanju roka za žalbu, ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke kancelarijskog materijala za potrebe Razvojne banke Federacije BiH broj 4688-III/20 od 14.5.2020. godine, pokrenut je postupak javne nabavke kancelarijskog materijala za potrebe Razvojne banke Federacije BiH. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 23.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 15.5.2020. godine, broj obavještenja: 1011-7-1-309-3-20/20.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane 4 (četiri) pravovremeno pristigle ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	PLAN PLUS d.o.o. Zenica, Dr. Hasana Muminagića br. 2-a, Zenica	27.5.2020. godine u 13:00 h	26.221,40	3.933,21	22.288,19
2.	R&S d.o.o. Sarajevo, Igmanska b.b. Sarajevo, Vogošća	29.5.2020. godine u 08:20 h	22.814,34	0,00	22.814,34
3.	Grupa ponuđača TMP Društvo za zapošljavanje slijepih i slabovidnih lica d.o.o. Sarajevo (predstavnik) i Svjetlost-BH print d.o.o. Sarajevo, Ramiza Salčina broj 2, Sarajevo	29.5.2020. godine u 09:30 h	29.817,05	0,00	29.817,05
4.	AERO-EXCLUSIVE d.o.o. Sarajevo, Kolodvorska 12, Sarajevo	29.5.2020. godine u 11:20 h	22.792,71	0,00	22.792,71

Na osnovu izvršene analize i ocjene pristiglih ponuda, Komisija je utvrdila da su dostavljene ponude ponuđača PLAN PLUS d.o.o. Zenica, R&S d.o.o. Sarajevo i AERO-EXCLUSIVE d.o.o. Sarajevo prihvatljive.

Ponuda konzorcija/grupe ponuđača TMP Društvo za zapošljavanje slijepih i slabovidnih lica d.o.o. Sarajevo (predstavnik) i Svjetlost-BH print d.o.o. Sarajevo je neprihvatljiva iz sljedećih razloga:

- *Tačkom 13.1. tenderske dokumentacije definisano je da su svrhu dokazivanja uslova u pogledu lične sposobnosti ponuđači dužni dostaviti Izjavu o ispunjenosti uslova, u skladu sa formom koja je sastavni dio tenderske dokumentacije kao aneks III.*

U dostavljenoj izjavi grupe ponuđača TMP Društvo za zapošljavanje slijepih i slabovidnih lica d.o.o. Sarajevo (predstavnik) i Svjetlost-BH print d.o.o. Sarajevo za predstavnika ponuđača TMP Društvo za zapošljavanje slijepih i slabovidnih lica d.o.o. Sarajevo na mjestu gdje je trebalo upisati ime i prezime („Ja niže potpisani.....“) naveden naziv društva, a ne ime i prezime osobe koja daje izjavu.

- *Tačkom 10. tenderske dokumentacije definisano je da ponuđač u skladu sa zahtjevima utvrđenim u Obrascu za cijenu ponude, mora na za to predviđenim praznim mjestima, prema odgovarajućim stavkama, navesti podatke o zemlji porijekla i proizvođaču odgovarajuće robe koju nudi.*

Dostavljen je obrazac za cijenu ponude u kojem niti za jednu stavku nije naveden proizvođač i zemlja porijekla kako je ostavljeno u obrascu.

- *Navedeni ponuđač je dostavio:*

- 1) potvrdu o izvršenju izdatu od strane Porezne uprave u kojoj se navodi da je TMP Društvo za zapošljavanje slijepih i slabovidnih lica d.o.o. Sarajevo uspješno izvršilo štampanje materijala i ostalih grafičkih usluga.*
- 2) potvrdu o izvršenju izdatu od strane Općine Sarajevo u kojoj je navedeno da je firma Svjetlost-BH print d.o.o. uspješno izvršila usluge štampanja.*

S obzirom da je tačkom 16.1.tenderske dokumentacije traženo da su ponuđači dužni ispunjavati sljedeće uslove: da imaju uredno izvršenje najmanje jednog ugovora s minimalnom vrijednošću od 23.000,00 KM bez PDV-a ili više ugovora zbirne vrijednosti u iznosu od 23.000,00 KM bez PDV-a, koji je/su u vezi s predmetom nabavke, za period ne duži od tri godine, računajući od datuma objave obavještenja o nabavci ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine, a da je predmet nabavke „Nabavka robe - kancelarijskog materijala“, Komisija za nabavke je stava da se izdate potvrde, odnosno ugovori koji se odnose na izvršenje usluge štampanja materijala i ostalih grafičkih usluga nisu u vezi s predmetom nabavke.

Imajući u vidu sve prethodno navedeno, a u skladu sa članom 68. stav (4) tačka i) Zakona o javnim nabavkama ponuda je neprihvatljiva, jer ista nije potpuna i ne ispunjava zahtjeve iz tenderske dokumentacije.

S obzirom da je tačkom 24. tenderske dokumentacije predviđeno provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16), za sve ponuđače zakazana je e-aukcija za petak 05.6.2020. godine sa početkom u 10:00 h. Predviđeno je da će e-aukcija trajati 15 minuta.

E-aukcija je počela u 10:00 h, a završila u 10:15 h.

Rangiranje prihvatljivih ponuda prema kriteriju za izbor ponude nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM
1.	R&S d.o.o. Sarajevo	22.265,00
2.	PLAN PLUS d.o.o. Zenica	22.288,19
3.	AERO-EXCLUSIVE d.o.o. Sarajevo	22.792,71

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima i uslovima iz tenderske dokumentacije.

Imajući u vidu sve prethodno navedeno, a prvenstveno da je ponuda ponuđača R&S d.o.o. Sarajevo u iznosu 22.265,00 KM bez PDV-a, prema kriteriju za izbor ponude (najniža cijena) ocijenjena najpovoljnijom, te ispunjava uslove i zahtjeve predviđene konkurentskim zahtjevom za dostavu ponuda, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave

dr. sc. Semir Fejzić

Dostaviti:

- Svim ponuđačima u postupku